



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCXVI. ad annum MCCCCXXIII.

Parisiis, 1644

Ioannes Dei Gratia Praepositvs & archidiaconus ecclesiae Saltzburgensis,
vniuersis & singulis dominis, abbatibus, praepositis, ceterisque praelatis,
archidiaconis, parochialium ecclesiarum ...

urn:nbn:de:hbz:466:1-15653

ANNO
CHRISTI
1420.

* Apud D. Hund.
in metro.
est prepos.
20. archi-
episc. 49.

* IOANNES DEI GRATIA PRÆPOSITVS
& archidiaconus ecclesiæ Saltzburgenis, uniuersis & singulis dominis, abbatibus, præpositis, ceterisque prælatis, archidiaconis, parochialium ecclesiarum rectoribus, plebanis ac clericis quibuscumque per diœcesim Saltzburgensem constitutis.

QVAMVIS per sacrorum Canonum & prouincialium Conciliorum statuta recte ac honeste viuendi norma adeo sit sufficienter comprehensa, quod si eorumdem negligetur executio, quodammodo de cetero aliqua noua conderentur statuta: quia tamen eorumdem tam saluberrimorum statutorum nostris temporibus memoria quasi euanuit, cæque ipsa quodammodo offuscauit obliuio, tamquam prodita nunquam extitissent. Et quia iuxta sapientis cuiusdam dictum, nunquam nimium dicitur, quod nunquam satis dicitur. Subscriptæ ordinationes iuris communis, ac prouincialium statutorum innovationes & declarationes in episcopali Synodo in ciuitate Saltzburgeni nuper celebrata, cui de mandato reuerendissimi in Christo patris domini nostri Eberhardi sanctæ Saltzburgenis ecclesiæ archiepiscopi, apostolicæ sedis legati, & ex commissione eius speciali præsedimus, alias emanarunt. Ad quorum humilem ac deuotam observationem, executionemque promptam & debitam, vos omnes & singulos in Domino exhortamur, prout diuinam ex hoc reportare remunerationem, præfatique reuerendi domini nostri archiepiscopi poenam & vltionem debitas & condignas volueritis euitare.

I.

Declaratio pœnæ statuti prouincialis contra notorios concubinarios editi.

Contra crimen concubinatus clericorum plurimum scandalosum, & hinc merito detestandum, non aliter, nec melius, quam dudum in prouinciali Concilio statutum fuit, videmus posse prouideri. Innotescimus tamen, & ad memoriam reuocamus eiusdem Concilii Omnes namque, qui a die publicationis statutorum prouincialium, infra duos menses concubinas

Concil. Tom. 29.

Ttt ij

suas, quas notorie tenuerunt, a se prorsus non remouerint, si beneficiati fuerint, sciant se suis beneficiis statim ipso facto, absque alia priuationis sententia, auctoritate eiusdem Concilii esse priuatos; nec aliquid iuris amplius competere, aut aliquem se titulum habere in eisdem: tenerique se idcirco ad restitutionem omnium fructuum & prouentuum quos leuauerunt, seu in futurum leuabunt ex eisdem. Possuntque eorum beneficia per habentes protestatem libere aliis conferri, vel a curia etiam impetrari. Qui vero beneficiati non fuerint, sciant se auctoritate eiusdem Concilii ad habendum quæcumque ecclesiastica beneficia perpetuo inhabilitatos.

II.

*Quod clerici non debent secum tenere mulieres iuuenes
& de incontinentia suspectas.*

Et quoniam iuxta Apostolum non solum a malo, sed etiam ab omni specie mali debemus abstinere, prohibemus, ne clerici in domibus suis habeant feminas iuuenes, de quibus suspicio possit merito oboriri. Qui autem seminarum famulatu carere nequuerint, tales sibi assumant, quæ propter ætatem, morumque grauitatem, aut, si fieri potest, consanguinitatem, omnem merito suspicione excludant.

III.

*Quod clerici in domibus suis tabernas tenere, aut tabernas
& laicorum conuiuia accedere non debeant.*

Inhibemus insuper, prout etiam per sacros Canones & prouincialium Conciliorum statuta prohibitum extat, ne clerici officium tabernariorum exercere presumant, & ne in suis domibus tabernas teneant, aut vinum more tabernariorum vendant. Tabernas quoque & laicorum conuiuia (quod valde honestatem dedecet clericalem, ipsorumque clericorum vilescere facit auctoritatem) clerici omnino deuitent, nisi necessitatis causa in itinere constituti.

IV.

*Quod clerici venationi & ludo alearum & taxillorum
infistere non debent.*

Venationi quoque cum canibus, nec non aucupatio-

ANNO CHRISTI 1420. nibus cum falconibus , nisis , aut huiusmodi volucribus clerici omnino non insistant , nec canes tales venaticos aut aues in domibus teneant, aut secum per viam ducant. Ad aleas etiam & taxillos non ludant , nec huiusmodi ludis intersint, nec ludos tales in domibus suis exercere permittant.

V.

Quales presbyteros debeant sibi assumere plebani in adiutorium exercitii curæ animarum.

Omnibus insuper Saltzburgensis dioecesis plebanis prohibemus , ne in adiutorium exercitii curæ animarum , aut ad capellanatum assumant presbyteros lusores , potatores , ebriosos , aut laicorum conuiua frequentantes , per quos multum plebs scandalizatur fidelis. Nullum etiam sacerdotem alienigenam & penitus incognitum , suæ ordinationis literas , seu formatas omni suspicione carentes non habentem ; * & vero literas commendatitias proprii episcopi , aut fide digno testimonio , seu longi temporis conuersatione de vita & moribus ipsius fuerit informatus ; assumere præsumant.

V.I.

Quod plebani inducere debent sibi subditos presbyteros ad obseruantiam statutorum prouincialium & synodalium ordinatum , & ad deferendum habitus honestos & clericales , a laicorum habitu discrepantes.

Studeant quoque plebani suorum domesticorum , præfertim clericorum sibi subiectorum , diligentem curam gerere , ipsos ad obseruantiam constitutionum prouincialium , & huius sanctæ Synodi ordinationum , morum honestatem , clericalisque habitus decentiam respicientium , inducendo ; nec patiantur eos deferre habitus a sacris Canonibus vel prouincialibus Conciliis interdictos : sed faciant ipsos deferre vestes in colore & scissura honestatem clericalem decentes , nimia longitudine vel breuitate non notandas , circa pectus & scapulas , vt moris est laicis , non strictas , & corpori bene adiacentes ; sed bene amplas , & aliquantum plicatas , manicas decentes , usque ad contactum manus protensas , infra vero brachium

deorsum vltra vnius palmae longitudinem minime dependentes , cum goleris licitis saltem ad altitudinem vnius pollicis collo adiacentibus: scissuras , seu aperturas a late-
re omnino non habentes, nec retro: ab anteriori tamen parte , propter maiorem ambulandi commoditatem , ad altitudinem vnius palmae cum media , vestes non prohibemus aperiri. Vestes etiam ad equitandum deputatas, prout commoditas postulauerit, ante & retro poterunt, honeste tamen , aperire. In scissuris huiusmodi , in gole-
riis , seu aliis vestium extremitatibus foderaturas exposi-
tas , & notabiliter præminentibus non habentibus.

ANNO
CHRISTI
1420.

Abusum quoque istum clericorum , quo se sacerdibus hominibus conformantes pallia deferunt , nudis ioppulis manicas strictas , vt nunc moris est, multipliciter plicatas, seu * rigatas , aut alias laicales habentibus , nulla veste ma- * rugatus
nicata coopertis, cum expositis brachiis , nequaquam tolerent. Aliasque tam decenter & honeste clericos sibi subditos incedere faciant, vt per decentiam habitus ex-
trinseci , intrinsecam morum valeant ostendere honestatem. Hanc autem habitus honestatem exhortamur præ-
cipue ipsos plebanos , sicut & ceteros clericos , obseruare,
quatenus in omnibus suis subditis se normam & exemplum
præbeant.

VII.

Quod sacramenta ecclesiastica , & alia spiritualia , libere , sine conuentione & pactione precedente , debent ministrari.

Volumus quoque & præcipimus singulis Salzburgensis diœcesis presbyteris , quatenus circa sacramentorum administrationem omnem obseruent puritatem , libere , sine pactione aut conuentione prævia , ecclesiastica sacra-
menta , & alia spiritualia administrando. Expost ve-
ro antiquas & laudabiles ecclesiarum consuetudines pia fidelium deuotione , per ministrorum sustentationem in-
troducedas non intendimus prohibere , ad quas etiam ob-
seruandas superioris officii laici ecclesiastica possunt cen-
sura compelli.

VIII.

*Quod non sunt tolerandi pro aliquo quæstu publice delinquentes,
& quod potestate absoluendi in casibus reseruatis
sacerdotes abuti non debent.*

Districte quoque prohibemus, ne quis sacerdotum adulteros, concubinarios, seu fornicarios, aut alios quocumque publice delinquentes, gratia vel fauore, aut pro aliquo temporali emittat. Nec obtentam a superiori in casibus reseruatis ad certum personarum numerum licentiam, eam venalem exponant, non nisi ad soluendum aliquid ex pacto, eadem licentia vtendo; sed gratis & libere, prout expediens fuerit, ad omnes, sine personarum acceptione, huiusmodi sibi concessa vtantur potestate.

IX.

Quod pro sepeliendis præuentis nil est extorquendum.

Pro sepultura quoque præuentorum presbyteri nil extorquere præsumant.

X.

*Qualiter adulteri & concubinarii publici sint admonendi,
& ab ingressu ecclesiæ excludendi.*

Ad extirpandum quoque adulterii & concubinatus publica crimina, quæ in dioecesi Saltzburgensi plurimum sunt frequentata, hunc volumus & præcipimus ordinem per singulas Saltzburgensis dioecesis parochias obseruari, videlicet, ut infra duorum mensium spatium in qualibet ecclesia parochiali aliquo die Dominico vel festiuo, quando maior adfuerit populi multitudo, publice in ambone admoneantur & requirantur in generali omnes & singuli utriusque sexus homines prefatis criminibus publice implicati, quatenus ab huiusmodi adulterio & concubinatu penitus & omnino desistant. Si qui vero generali spreta admonitione se non correxerint, sequenti Dominica in specie & nominatim, ut se emendent, sic illi, quorum domus inhabitant, quatenus eos ultra non hospitent, admoneantur & requirantur. Quod si nec taliter moniti se correxerint, sequenti Dominica eosdem, ac illos qui eos hospitare præsumperint,

ab ingressu ecclesiae publice excludant, coram quibus ex-post presbyteri nullatenus diuina celebrare præsumant. Idem quoque de coniugibus utriusque sexus, qui temere sibi mutuo cohabitare recusant & nolunt, & de hospitantibus eosdem, etiam si non sit notorium eos alibi adulterari, volumus per omnia obseruari.

Hunc quoque ordinem perpetuis temporibus in posterum præcipimus obseruari: ita quod generalis ista monitio in Dominica prima quadragesima publice propinatur, speciali continenter admonitione & exclusione sequentibus duabus Dominicis, prout supra dispositum, continuatis.

X I.

Qualiter se debeant habere plebani ad eos, quos ad auctoritatem superiorum remittunt.

Quotiens vero ad superioris auctoritatem aliquos remitti contigerit, plebanus eosdem reuersos, nisi literas testimoniales superioris ostenderint, pro absolutis nequam teneant, nec sacramenta eis ecclesiastica, nisi poenitentia, aut saltem poenitentia parte peracta, administrent: quod præsertim circa adulteros & alios criminosos notorios volumus exactissime obseruari. Et ut fraudibus via præcludatur, huiusmodi notorios & manifestos criminosos ad auctoritatem superioris literis suis clausis, causæ & facti narrationem plene continentibus, transmittant: eosdemque reuersos, non ad simplices remissionis schedulas, sed ad literas superioris intentionem continentes*, ad ecclesiastica remittant sacramenta.

* forte de-
ejt respici-
endis.

X II.

Quod matrimonia clandestine non sint contrahenda: & quod secus aut contrarium facientes ad episcopalem auctoritatem sint remittendi.

Et quoniam ex clandestinis matrimoniorum contractibus plurima saepe insurgunt pericula animarum, quibus occurtere cupientes, quod super hoc a iure prouide statutum extitit, præcipimus obseruari: ut videlicet, cum matrimonia fuerint contrahenda, prius per presbyteros publice in ecclesia proponantur, bono competenti termino præ-

ANNO CHRISTI 1418. præfinito, vt infra illum, qui voluerit & valuerit, legitimum impedimentum opponat: & ipsi etiam presbyteri infra illum nihilo minus inuestigent, an aliquod impedimentum obfistat, solicitare. Cum apparuerit probabilis conjectura contra copulam contrahendam, contractus interdicatur expresse, donec, quid fieri debeat, manifestis constiterit documentis. Qui vero aliter contrahere præsumperint, ad episcopalem auctoritatem puniendi secundum iuris dispositionem remittantur.

XIII.

Quod matrimonia in ecclesiis & mediante presbytero contrahendi debent: & quod non post, sed ante carnalem copulam nuptiarum solennia matrimonia sint benedicenda.

In contrahendis quoque matrimoniis hanc volumus honestatem pro reuerentia sacramenti obseruari, vt vide-licet non nisi per presbyteros, &c. si commode fieri potest, in ecclesia, aliquando in alio loco honesto, sine strepitu, cum honestate debita fiant matrimoniorum copulationes. Matrimonia quoque quæ benedicenda fuerint, non post, vt moris extitit, sed ante ipsorum carnalem consummationem, ac solennitatis nuptiarum celebrationem, pro benedictionis ipsius reuerentia benedicantur.

XIV.

Quod patrini baptismales non multiplicentur.

Et quia ex cognatione spirituali, sicut etiam ex carnali, impedimentum oritur matrimonii, impediens contrahendum, & dirimens etiam contractum. Vnde, ne nimium inter homines eiusdem parochiæ huiusmodi multiplicentur attinentia, mandamus, quatenus presbyteri parentes baptizandorum puerorum inducere studeant, vt uno tantum viro, vel una muliere, prout Canones disponunt, sint contenti. Ad quod si forte facile induci non possunt, saltem ultra duos, vnum scilicet virum, vel unam mulierem, nequamquam admittant.

Concil. Tom. 29. Vuu

X V.

Quod presbyteri informare debent populum, qualis & quam lata spiritualis cognatio in baptismo & confirmationis sacramento oritur.

Iniungimus insuper omnibus plebanis, quatenus populum sibi commissum publice in ambone informare studeant, quod, sicut inter quemlibet leuantem aliquem de facro fonte, & ipsum leuatum, sic & inter omnes filios & filias, leuantem & ipsum leuatum, & inter coniugem leuantis carnaliter prius cognitum seu cognitam, & ipsum leuatum, nec non inter parentes leuati & ipsum leuantem, & eius coniugem, carnaliter prius cognitum vel cognitam, cognatio oritur spiritualis impediens matrimonium contrahendum, & dirimens iam contraetum. Et ea quæ de leuante sunt dicta, etiam de baptizante modis expressis declarent esse intelligenda.

In confirmationis quoque sacramento ratione prius confirmantis, & ad confirmationem aliquam tenentis, non autem ratione ligatur aut fasciam solummodo fronti alligantis, seu chrisma dumtaxat abluentis, eisdem modis ut in baptismate, huiusmodi propinquitatem prouenire populo denuntient & declarant.

X VI.

Forma iuramenti, quam praestare debent testes synodales in manibus suorum archidiaconorum.

Iurabunt testes synodales, vel saltem fidem loco iuramenti piabunt in hac forma. Primo, quod per totum annum usque ad Synodum proximam diligenter inquirent, simpliciter tamen de plano & absque illa iurisdictione, quæ correctionis & reformationis tam in clero quam in populo sint necessaria, & quod illa fideliter referent in Concilio prouinciali & Synodo episcopali proxime celebrandis, postquam fuerint requisiti, usurarios, adulteros, concubinarios notorios seu manifestos, & quoscumque manifeste & publice delinquentes, tam in clero quam in populo, quos debita adhæc adhibita diligentia perquisuerint, deferre & denuntiare, quando super hoc requisiti fuerint, denuntiare non omittent.

ANNO
CHRISTI
1420.

* f. cons-
munican-
da.

* mif. ha-
bet festi-
tos, haud
dubie men-
dosius.

XVII.

*Statuta summatim & ordinate sub certis titulis collocata,
populo * collocanda.*

Quoniam multa statuta prouincialia tam antiqua,
quam etiam promulgata, nec non & quæ synodales ordi-
nationes laicos concernunt, quorum * quæ etiam satis di-
noscuntur esse pœnalia. Vnde, ne ipsos ignorantes contin-
gat detrimentum incurrire, quod dignum est eos poft-
modum * vetitos sustinere, idcirco statuimus & ordina-
mus, quatenus singuli Saltzburgenſis diœcesis plebani ea-
dem statuta laicos respicientia, prout inferius summatim
subiectis rubricis & titulis ordinate continentur, quam ci-
tius poterunt, eorum habita copia, aliquo die Dominico
vel festuo, & deinceps singulis annis bis: ſemel ſcilicet
in Dominica prima aduentus Domini, & ſemel in Do-
minica prima quadragesimæ plebi ſibi commiffæ publi-
ce in ambone vulgari lingua clare & intelligibiliter inti-
ment publicent & exponant, ad obſeruantiam eorum-
dem, prout vnumquemque concernunt, dignoſcitur,
eamdem plebem fideliter exhortando.

XVIII.

*De vſurariis & eorum pœnis, ex statutis domini Guidonis
tituli sancti Laurentii presbyteri cardinalis, apostolicæ
ſedis legati, quod incipit: Item dolentes.*

Excommunicati ſunt ipſo facto vſuras exercentes, qui
ſic communitati, ter in anno, videlicet in coena Domi-
ni, in assumptione glorioſe virginis Mariæ, in natuitate
Domini, per plebanos & maiores ſuos debent de-
nuntiari, aliis pœnis contra vſurarios editis nihilo minus
ſaluis.

XIX.

*De eodem ex statuto domini Ioannis episcopi Tusculani
apostolicæ ſedis legati, quod incipit:
Vſurarios adiut.*

Vſurarii dicuntur etiam, qui ſub titulo emptionis vſuras
excent, emendo ſcilicet pignus pro quantitate quæ
mutuo petitur, & reuendendo eidem redemptionis tem-

Concil. Tom. 29.

V u u u ij

pore pro quantitate eadem adauēto numero vsurarum. Et hæc constitutio vna cum constitutione Gregorii X. in generali Concilio edita publicari debet singulis annis in quadragesima, leōto euangelio in singulis ecclesiis cathedralibus & collegiatis. Et tunc etiam vsuras exercentes contra dicti Concilii tenorem, ac illi qui eos retinēnt in domibus propriis, nominatim & in specie excommunicati debent denuntiari. Et usurarium, etiam occultum, dum tamen duorum vel trium fide dignorum testium ipsum constiterit vsuras exercuisse, nec pro eo satisfactum fuerit, nullus recipere debet ad ecclesiasticam sepulturam. Alioquin ecclesiastici, in cuius coemeterio de consensu prælati siue capituli tale corpus sepultum fuerit, exhumatum ecclesiastico subiacet interdicto.

XX.

Intentio Concilii generalis, de quo supra fit mentio, quod habetur in cap. usurarum, de usuris libro sexto, in effectu est talis, ut sequitur.

Constitutio Lateranensis Concilii contra usurarios edita debet inuiolabiliter obseruari; scilicet, quod manifesti usurarii ad communionem altaris & ecclesiasticam sepulturam, & oblationem faciendam, admitti non debent. Et qui eorum oblationes receperint, aut ad ecclesiasticam eos sepulturam admirerint, compelli debent reddere quod acceperint, & ad arbitrium episcopi ab officio suspendi. Item secundo præcipitur dominis terrarum & vniuersalibus, seu communitatibus, ne permittant alienigenas in terris & locis suis conducere domos, & iam conductas retinere ad exercendum usuras. Contrarium facientes, si sunt episcopi, aut eorum superiores, suspensionem; alii vero inferiores, excommunicationis; communites autem interdicti sententias & poenas incurront ipso facto: quas suspensionis & excommunicationis poenas, si episcopi, & eorum superiores, aut singulares personæ per mensem sustinuerint animo indurato, eorum terræ, quamdiu huiusmodi usurarii in ipsis permanerint, ecclesiastico subiaceant interdicto: & nihilo minus laici ab huiusmodi excessu per suos debent ordinarios compesci.

XXI.

*Ex eodem Concilio generali, quod habetur de usurariis in cap.
Quamquam, libro sexto.*

Manifesto usurario, licet mandauerit usuras restituui, ecclesiastica sepultura denegari debet, nisi primo, prout facultates patiuntur, satisfaciat, vel de restituendo idonee caueat illis quibus restitutio facienda, si praesentes fuerint: vel, ipsis absentibus, loci ordinario, aut eius vices gerenti, siue rectori parochialis ecclesiae in qua habitat, coram fide dignis de parochia, in cautione huiusmodi exprimendo quantitatem usurarum receptarum, si huiusmodi fuerit quantitas manifesta: alioquin, aliam quantitatem ipsius recipientis arbitrio moderandam: qui, si scienter minorem quam visibiliter creditur, moderetur, tenebitur ad residui satisfactionem. Et eos contra hanc constitutionem sepeliendo, Lateranensis Concilii poenam incurront. Testamenta quoque talium usuriorum alias facta non tenentur: nec debet aliquis interesse, nec eos absoluere, aut etiam admittere ad confessionem.

XXII.

*f. viii-
menfi- *De constitutione Concilii * Vienensis, quae habetur in Clementina [contra eos] de sepulturis.*

Sepelientes scienter usurarios manifestos, etiamsi exempti fuerint, ipso facto excommunicationis sententiam incurront: a qua, nisi satisfactionio prius competenter eis quibus ex hoc iniuria est irrogata, facta fuerit, nullatenus absolvi debent.

XXIII.

*Ex statuto domini Pilgrini Saltzburgensis archiepiscopi,
quod incipit: Apud multos.*

Usurarii, postquam a suis rectoribus tria monitione fuerint nominati moniti, si infra mensem non desistent, eo ipso excommunicationis sententiam incurront. Et ecclesiarum rectores & prelati tenentur suos subditos manifestos usurarios monere & inducere, ut infra mensem ab huiusmodi prauitate desistant, & de perceptis satisfaciant cum effectu. Quod si non fecerint, eos excom-

Vuuu iij

municatos denuntient , certificantes nihilo minus eos ,
quod si in hoc peccato decesserint , ecclesiastica sepultu-
ra carebunt. Quos si rectores scienter sepelierint , simili-
ter ipso factō excommunicationis sententia sunt ligati. Et
manifesti usurarii dicuntur , de quibus est publica vox &
fama , & certa sunt indicia & argumenta , quod pecu-
nias mutuant ad usuras , easque recipiunt , vel fructus rei
pignoratae ex pacto , vel alias sibi imbusant , nec compu-
tant in sortem pecuniae mutuatæ.

XXIV.

*De spoliatoribus & raptoribus stratarum , ex statuto domini
Joannis Tusculani , quod incipit : Spoliatores stratarum.*

Excommunicati sunt ipso factō spoliatores stratarum ,
& raptore transiunt per vias , & eisdem dantes au-
xilium vel fauorem.

XXV.

*De his qui scienter emunt prædam , ex statutis domini Eberhardi
Salzburgensis archiepiscopi.*

Nullus prædam aliquam scienter emere vel tenere præ-
sumat: alioqui nisi infra mensem prædam ipsam , aut eius
estimationem , si deprædata & ablata haberi non possit ,
restituat , excommunicationis sententia percellatur.

XXVI.

*Qualiter decimæ sunt persoluendæ , & qualiter puniri debeant
laici decimas sibi usurpantes , ex statuto domini Guidonis
cardinalis apostolicæ sedis legati.*

Decimæ tam antiquæ , quam etiam de noualibus maio-
res & minutæ , iuxta laudabilem consuetudinem patriæ
integraliter sunt persoluendæ. Et laici decimas , maxime
noualium & minutæ sibi usurpantes , ab ingressu ecclesiæ
usque ad satisfactionem condignam sunt suspensi.

XXVII.

*De his qui imponunt aut exigunt noua passagia , vel antiqua
augmentant , ex statuto domini Ioannis Tusculani
episcopi , quod incipit : Imponentes.*

Noua passagia imponentes & exigentes , vel antiqua

ANNO
CHRISTI
1420.

augmentantes, singulis annis summus pontifex in coena Domini denuntiat excommunicationi subiacere: quos etiam, siue fuerint ecclesiasticæ, siue sacerdtales personæ, quocumque nomine censeantur, locorum ordinarii per se vel suos vicarios omni anno in eadem die coenæ Domini, pulsatis campanis & accensis candelis, excommunicatos & ab omnibus evitandos usque ad restitutio-
nem integrâ debent denuntiare.

XXVIII.

*Quod etiam in lecto ægritudinis potest quis testari, contraria con-
suetudine non obstante, ex statuto domini Eberhardi archiepi-
scopi Saltzburgen sis, quod incipit: Ad hæc.*

Non obstante consuetudine, quæ potius est corruptela, vbi iura testamentorum sanctionem non prohibent, quilibet, etiam in lecto ægritudinis constitutus, legare, disponere & ordinare potest de bonis sibi collatis a Deo piis locis, aut alias. Et impedimentum præstantes per prælatos compesci debent ecclesiastica censura.

XXIX.

*De his qui tempore interdicti sepelunt corpora defunctorum, aut
sepelientibus opem præstant, ex statuto domini Eberhardi ar-
chiepiscopi Saltzburgen sis, quod incipit: Item in quibusdam.*

Excommunicati sunt laici sepelientes intra cœmeteria locorum interdictorum corpora defunctorum, aut qui sepelientibus opem vel operam præstant: a qua non absoluantur, nec per ordinarium loci, vel per eum cui super hoc specialiter commiserit suas vices. Huiusmodi tamen absolutio non est impendenda, nisi prius exhumentur sic tumulata, & satisfactum fuerit ecclesiæ & personis, quibus exinde iniuria dinoscitur irrogata. Nec etiam tales ad communionem ecclesiæ admittantur, nisi habeant super exhumatione & absolutione prædicta literas ordinarii vel sui officialis.

XXX.

*Quod mulieres per exclusionem a communione prohibendæ sunt ab
illicito uestitu, ex statuto domini Eberhardi Saltzburgen-
sis archiepiscopi, quod incipit: Cum in partem.*

Mandatur sub poena excommunicationis omnibus lai-

cis, & sub obtestatione diuini iudicii, vt vxores suas & filias & alias mulieres, in præsentia vel familiari potestate constitutas, faciant honeste incedere: prohibeantque, ne nimiam in vestibus longitudinem, & [ab] aliis mulierum ornamenti exquisitam superfluitatem habeant. Quibus etiam mandatur sub poena excommunicationis, vt in his pareant maritis suis: alias eucharistia communione priuentur, & per censuram ecclesiasticam arceantur. Et in fine mandatur sacerdotalibus potestatibus sub poena præfata, vt ad corroborationem huiusmodi statuti faciant hanc constitutionem exacte obseruari.

XXXI.

De his qui occidunt, verberant, aut qualitercumque manus violentas in clericos iniiciunt, aut eos captiuant, seu captiuatos tenent. Ex statuto domini Guidonis cardinalis apostolicae sedis legati, quod incipit: Item cum in plerisque.

Occidens, verberans, aut qualitercumque manus violentas in clericos iniiciens, seu eos capiens, singulis annis in Synodis episcopalibus excommunicati denuntiari debent, & nominatim illi, de quibus constiterit manifeste.

XXXII.

De eodem, ex statuto eiusdem domini Guidonis, quod incipit: Quodcumque vero.

Vulnerans enormiter ecclesiasticam personam, occidens vel captiuans, non nisi per sedem apostolicam debet absolui. Et si quid tenebat ab ecclesia, illud ipso facto perdit, quod in utilitatem ecclesiae debet conuerti. Et generaliter in diecepsi, in qua aliquem canonicum cathedralis ecclesiae, vel in dignitate ecclesiastica constitutum capi contigerit, aut captiuum detineri, usque ad liberationem ipsius, & debitæ satisfactionis exhibitionem. Similiter & in parochia, in qua res clericis violenter ablatas detineri contigerit, usque ad satisfactionem & restitutionem congruam cessari debet a diuinis.

XXXIII.

De eodem, ex statuto domini Friderici Salzburgensis archiepiscopi, quod incipit: Statutum.

Captiuato domino archiepiscopo Salzburgensi, aut aliquo

^{ANNO}
^{1420.} aliquo ipsius suffraganeo, seu inuasa ecclesia Saltzburgensi, aut quacumque alia ecclesia cathedrali prouinciae Saltzburgenis, hostiliter & iniuriouse, vt de subuersione status eius verisimiliter timeatur, statim, postquam hoc innoverit, per totam prouinciam Saltzburgensem cessari debet a diuinis. In terris tamen principum cessari non præcipitur, nisi ab offendis huiusmodi cessare, & emendam præstare infra mensem admoniti contempserint.

XXXIV.

*De eodem, ex statuto eiusdem Friderici, quod incipit:
Item cum hi.*

Qui violentas manus in clericos iniiciunt, debent in parochia, in qua delictum commissum fuerit, aut in qua iniiciens domicilium habuerit, per rectores ecclesiarum singulis Dominicis & festiuis diebus excommunicati denunciari: & qui tales violentos iniectores scienter ad diuina vel ecclesiastica sepulturam receperint, sunt ab officio suspensi. Qui vero in prædicta denuntiatione, postquam sibi per ordinarium fuerit specialiter demandata, negligens fuerit aut remissus, per viginti dies ab ingressu ecclesie & ab officio est ipso facto suspensus.

XXXV.

*De eodem, ex statuto domini Ioannis Tusculani episcopi,
apostolicæ sedis legati, quod incipit:
Eos qui.*

Captiuantes, seu captiuos detinentes clericos & personas ecclesiasticas, si infra octo dies, postquam requisiiti fuerint, eos non relaxauerint, omnibus Dominicis & festiuis diebus per prælatos & rectores ecclesiarum, in quarum limitibus huiusmodi captiuantes aut detinentes commorantur, & personæ huiusmodi ecclesiasticæ fuerint captiuæ, aut in quibus captiuæ detinentur, excommunicati publice denuntientur. Et nihil minus, vbi huiusmodi ecclesiasticæ personæ captiæ detinentur, quamdiu taliter detinentur, clerici hoc scientes cessare debent a diuinis: contrarium facientes excommunicati sunt ipso facto.

Concil. Tom. 29.

Xxx

XXXVI.

ANNO
CHRISTI
1420.

De his qui verberant vel capiunt nuntios legatorum apostolicæ sedis, archiepiscoporum, delegatorum iudicium & aliorum: aut eos qui de curiis eorum veniunt, aut eos occidunt: ex statuto domini Ioannis Tusculani, quod incipit: Si qui in tant.

Cipientes, verberantes nuntios legatorum apostolicæ sedis de latere missorum, seu archiepiscoporum, aut episcoporum, vel delegatorum; & eisdem literas auferentes, vel dilaniantes, seu ipsos in iurisdictionem, [aut] eis commissa quomodolibet, manifeste vel occulte impedientes: similiter & illi qui ad curiam eorum legatorum, archiepiscoporum, episcoporum, vel delegatorum venientes, aut abinde recedentes offendunt in personis, aut bonis quæ secum habent, spoliant, excommunicati sunt ipso facto.

XXXVII.

De eodem, ex statuto domini Eberhardi archiepiscopi Salzburgensis, quod incipit: Præterea.

Reus verberans, spolians & captiuans nuntium iudicis, literas judiciales deferentem, pro conuictio debet haberi: & idem in actore in causa reconuentionis.

XXXVIII.

De his qui bona decedentium clericorum occupare præsumunt, ex statuto domini Guidonis cardinalis apostolicæ sedis legati, quod incipit: Item ad aures.

Patroni ecclesiarum tam clericorum quam laici, aduocati, iudices & præcones bona decedentium clericorum occupantes & usurpantes, excommunicationis vinculo, quo usque ablata restituant, debent innodari.

XXXIX.

De eodem, ex statuto domini Friderici Salzburgensis archiepiscopi, quod incipit: Item statutum. & ex statuto domini Ioannis Tusculani apostolicæ sedis legati, quod incipit: Nonnulli.

Raptiores, inuasores & occupatores bonorum clericorum detinentium, ipso facto excommunicationis sententiam incurront. Et in locis, vbi talia bona violenter

ANNO CHRISTI 1420. ablata conseruantur, tamdiu cessari debet a diuinis, postquam hoc rectoribus ecclesiarum innotuerit, donec ablata huiusmodi successori defuncti reddantur, in pristino loco reponantur, ac alia satisfactio competens subsequatur.

X L.

De eodem, ex statuto domini Eberhardi archiepiscopi Saltzburgensis, quod incipit: Ad extirpandam.

Ecclesiarum patroni, siue clerici aut laici, qui rectore ecclesiae mortuo, dotem & ecclesiam rebus mobilibus seu immobilibus spoliant, cuiuscumque dignitatis fuerint, sunt a iure putandi illa vice suspensi, & collatio ad immediatum superiorem deuoluitur. Insuper etiam ipso facto excommunicationis sententiam incurunt.

X L I.

De his qui imponunt tallias & exactiones ecclesiasticis personis.

Ex statuto domini Pilgrini archiepiscopi Saltzburgensis,
quod incipit: Cum ecclesiæ.

ImpONENTES clericis & ecclesiasticis personis, & recipientes ab eisdem exactiones, tallias & collectas; si infra mensem, postquam per ecclesiarum prælatos moniti fuerint, non desisterint, vel de dannis illatis competenter non satisfecerint; excommunicati sunt ipso facto, & terræ ipsorum ecclesiastico subiacent interdicto.

X L II.

De his qui ecclesiasticas personas compellunt soluere paedagia vel quidagia de rebus suis. Ex statuto eiusdem domini Pilgrini,
quod incipit: Constitutionem: & in cap. de censibus, lib. 6.

Bonifacius VIII. statuit, quod si vniuersitas seu communitas, vel singularis quamcumque persona, cuiuscumque dignitatis fuerit, per se vel per alium, suo vel alieno nomine ecclesias vel ecclesiasticas personas compulerit soluere paedagia vel quidagia, seu exactiones pro rebus suis, quas causa negotiationis non deferunt, vniuersitas talis est interdicta, & personæ singulares excommunicatae. Nec valet contraria consuetudo. Et hæc constitutio per prælatos, archidiaconos & plebanos debet solenniter publicari.

Concil. Tom. 29.

Xxxij

X L I I I .

*De his qui occupant, inuadunt aut usurpant sibi ecclesiastica bona. Ex statuto domini Ioannis Tusculani,
quod incipit: Dignum . . .*

ANNO
CHRISTI
1429.

Sæculares ecclesiasticæ personæ, quacumque dignitate præfulgeant, (Romanorum dumtaxat rege & eius coniuge & filiis exceptis) * ecclesiæ & ecclesiastica bona, iura & iurisdictiones, seu ecclesiarum vassallos publice occupare aut inuadere, vel scienter usurpare, seu occupatoribus, inuasoribus, aut usurpatoribus huiusmodi potestatem quomodolibet, auxilium vel fauorem * præsumperint: nec non qui bona ecclesiarum titulo pignorum detinent obligata, a quibus receperint ultra fortem: nisi requisiti infra mensem satisfecerint, ipso facto excommunicati, & terræ ipsorum ecclesiastico subiacent interdicto; quod clerici terræ offenditorum ad solam denuntiationem prælati offensi obseruare tenentur: alioquin ante satisfactionem coram celebrante a diuinis sunt ipso facto suspensi.

X L I V .

*De eodem, ex statuto eiusdem domini Ioannis Tusculani,
quod incipit: Nullus de cetero.*

Qui prætextu guerrarum, quas habent cum aduocatis ecclesiarum, earumdem ecclesiarum bona subripuerint, aut ecclesiæ ipsas, aut earum villas & loca incendio vel hostilitate deuastant, aut homines earum suis bonis spoliant, excommunicati sunt ipso facto; nec possunt, nisi sufficienter emendauerint, absolvi.

X L V .

*De eodem, ex statuto eiusdem domini Joannis, quod
incipit: Prohibemus.*

Qui propter debitum aut fideiussoriam obligationem alicuius personæ singularis, bona ecclesiastica ad ipsam ecclesiam & capitulum communiter pertinentia ceperit, seu spoliauerit, nisi requisitus infra quindecim dies a die requisitionis numerandos restituerit, excommunicationis sententiam ipso facto incurrit.

XL VI.

*De his qui ad vacantes ecclesiastas mittunt armatos, & faciunt
ibi expensas. Ex statuto domini Eberhardi Saltzburgen sis
archiepiscopi, quod incipit: Ad*

Prælati, principes, & alii nobiles atque officiales eorumdem, qui ad vacantes prælaturas, beneficia sive officia, mittunt gentes armorum, & inibi expensas faciunt graues, aut compellentes eligere per abusum potestatis secularis, aut potentia inordinata; seu qui electum & confirmatum non admittunt ad possessionem, nisi pro certa pecunia quantitate; nisi infra mensem emendauerint quod fecerint, excommunicati sunt ipso facto: a qua sententia non absoluantur, donec satisfaciant, & extorta restituant: in quibus etiam non prodest eis remissio.

XL VII.

*De laicis recipientibus & occupantibus ecclesiastica beneficia.
Ex statuto domini Ioannis Tusculani,
quod incipit: Laicos.*

Laici recipientes & occupantes ecclesiastica beneficia, nisi infra mensem a tempore occupationis computando, ipsa dimiserint, ipso facto excommunicationis sententiam incurront.

XL VIII.

*De aduocatis ecclesiarum, qui ultra iura eis debita ecclesiastica,
grauant ecclesiastas. Ex statuto eiusdem domini Ioannis,
quod incipit: Nonnulli.*

Mortuo ecclesiæ aduocato, non omnes eius filii, sed ille solus in quem omnes, vel maior pars ipsorum consentit, habeatur pro patrono. Et aduocati ecclesiarum, qui defendendo & manutenendo personas & bona ecclesiarum, quarum sunt aduocati, negligentes fuerint aut remissi, huiusmodi aduocationis officio priuati sunt ipso facto. Qui vero ab huiusmodi ecclesiæ ultra debitum aliquid auferre præsumperint, nisi infra mensem ablata restituerint, singulis mensibus debent excommunicati denuntiari.

XLIX.

De eodem, ex statuto domini Eberhardi Saltzburgenſis archiepiſcopi, quod incipit: Quamquam.

Excommunicati ſunt laici aduocati eccleſiarum, qui ſuis iuribus non contenti, inconsuetas & enormes nouitates in ipſas eccleſias exercent & attenant, & vltra debita onera aggrauare non formidant.

L.

De patronis eccleſiarum, qui poſt tempus a iure præfixum occupant eccleſias, aut impediunt ſuperiores in collatione.

Ex statuto domini Ioannis Tusculani,
quod incipit: Eccleſiarum.

Patroni eccleſiarum ad eccleſias vacantes præſentare debent personas idoneas infra tempus a iure statutum. Qui vero poſt lapsum eiusdem temporis per menſem eccleſias ipſas retinere & occupare præſumpferint, ipſo factō ſunt excommunicati, & ea vice præſentatione huic modi eccleſiarum priuati; quas ſuperiores infra tempus eis a iure præfixum confeſſe tenentur: alioquin a collatione beneficiorum ſunt ipſo factō ſuſpensi. Laici vero impeſientes ordinarium prouidere volentem, ipſo factō excommunicationis ſententiam incurront.

LI.

Ex statuto domini Eberhardi Saltzburgenſis archiepiſcopi, quod incipit: Quoniam. De patronis qui partem aduocationis, cum præſentant, ſibi retinent ex pacto.

Laici patroni ex pacto ſibi retinentes partem decimārum, vel aliarum obuentionum eccleſiaſticularum in beneficiis, cum præſentant clericos ad ea, excommunicari debent, & terra eorum eccleſiaſtico interdicto ſupponi, donec eccleſiam liberam dimittant ſub ſuo iure: ſalvo tamen eis iure patronatus. Clerici autem taliter ab ipſis recipientes beneficia, officio & beneficio priuentur: nec ad beneficium vel actus eccleſiaſticos admittantur, niſi per ſedem apostolicam cum eis fuerit diſpenſatum. Epifcopi vero & archidiaconi, qui talibus ſcienter curam commiſſerint

ANNO
CHRISTI
1420.

ANNO CHRISTI 1420. animarum, sub institutione huiusmodi beneficiorum & collatione perpetuo sint suspensi.

LII.

De eodem, ex statuto eiusdem domini Eberhardi archiepiscopi Saltzburgensis, quod incipit: Beneficia.

Clerici qui præsentantur ad ecclesias per patronos cum assignatione alicuius portionis, ut residuum vñibus patronorum applicetur, si de hoc non deferunt querelam ad episcopum suum, sunt ipso iure suspensi, & per episcopum huiusmodi beneficiis spoliandi. Patroni vero per episcopum, cum hoc ad ipsum deductum fuerit, ab huiusmodi exactione compescantur. Et si in hoc pertinaces reperti fuerint, ad præsentationem huiusmodi ecclesiarum, cum proxime vacauerint, nullatenus admittantur.

LIII.

De laicis qui sine consensu prælatorum bona fabricæ ecclesiarum deputata administrant. Ex statuto domini Ioannis Tusculani, quod incipit: Laicos.

Laici sine assensu prælatorum & capitulorum bona fabricæ ecclesiae deputata administrare non possunt. Et qui contrarium fecerint, si infra mensem, postquam per ordinarium loci moniti fuerint, non desistunt, excommunicati sunt ipso facto.

LIV.

De his qui ecclesias & earum ædificia violenter & sine prælatorum assensu incastellare præsumunt, aut gentes ibi tenere.

*Ex statuto eiusdem domini Ioannis Tusculani,
quod incipit: Nonnullos.*

Qui ecclesias, campanilia, seu alia ecclesiarum ædificia violenter & sine prælatorum assensu incastellare, aut personis armatis munire præsumperint, & eorum heredes huiusmodi violentiæ participes, per suos superiores excommunicationis poena percellantur.

L V.

*De his qui prohibent, ne quis conqueratur coram ecclesiastico iudice;
aut qui condunt statuta contra ecclesiasticam libertatem.*

*Ex statuto eiusdem Ioannis Tusculani,
quod incipit: Personas.*

Vniuersitates ciuitatum & locorum prohibentes, vt nullus conqueratur coram ecclesiastico iudice, ac statuta condentes contra clerum & ecclesiasticam libertatem, interdicti: singulares vero personæ talia committentes, quacumque dignitate præfulgeant, excommunicationis sententias ipso facto incurront.

L VI.

De his qui trahunt ecclesiasticas personas coram iudice sæculari.

Ex statuto domini Pilgrini Salzburgensis archiepiscopi, quod incipit: Sæpe.

Trahentes clericos & ecclesiasticas personas coram iudice sæculari, nec non ecclesiasticae personæ conuentæ sponte coram talibus iudicibus sæcularibus iudicialiter respondentes, excommunicati sunt ipso facto.

L VII.

De eodem, ex statuto domini Eberhardi Salzburgensis archiepiscopi, quod incipit: Dudum.

Iudices sæculares, qui personas ecclesiasticas ad iudicia sua sæcularia euocare aut trahere in ipsorum contumaciam, ipsis non comparentibus, ecclesiastica bona inuidenda decernere præsumperint, excommunicati sint ipso facto. Et quotiens laicus, cuiuscumque dignitatis existat, ecclesiasticam personam ad iudicium sæculare trahere aut iudicare præsumperit, tamdiu in territorio trahentis & iudicantis cesseretur a diuinis, donec satisfecerint parti tractæ, & absolutionis beneficium meruerint obtinere.

L VIII.

*De eodem, ex statuto eiusdem domini Eberhardi, quod incipit:
Quamquam. in paragrapho; abusum.*

Inualida & iniqua est consuetudo, qua iudices sæculares trahere conantur personas ecclesiasticas ad iudicium sæcu-

ANNO
CHRISTI
1420.

sæculare, etiam super bonis ecclesiasticis: & contra facientes excommunicati sunt ipso facto; & eorum processus ac omnia inde secuta nullius sunt momenti.

LIX.

*Prouiso contra Hussitas, ne admittantur ad prædicandum; &
quod eos scientes suis superioribus denuntient. Ex statuto
domini Eberhardi Saltzburghensis archiepiscopi,
quod incipit: Cum nonnulli.*

Mandatur sub interminatione maledictionis æternæ, & sub excommunicationis poena latæ sententiæ in singulares personas, & interdicti in loca, ne quispiam, cuiuscumque status existat, etiamsi pontificali vel ducali præfulgeat dignitate, Vuicelleffistas & Hussitas, & de eorum hæresibus & erroribus infamatos aut suspectos, in quibuscumque locis ad prædicandum, docendum & dogmatizandum admittat, seu assumat, publice vel occulte. Et omnes vtriusque sexus Christi fideles dictæ prouinciæ, postquam audiuerint, sciuierint, aut eis constituerit, huiusmodi hæreticos & suspectos in prouincia morari vel docere, &c. sub poenis prædictis denuntiare tenentur suis superioribus, si eorum præsentiam commode adire possunt. Principes quoque & * comites, & eorum iudices & officiales, ad requisitionem episcoporum, vel suorum vicariorum, tales incarcerare, captiuare & detinere debent & tenentur sub poenis prædictis, etiamsi se prætendant in sacris constitutos; quos tamen suis superioribus præsentare tenentur. Et contra eos procedatur iuxta canonicas sanctiones. Receptatores quoque, fautores & defensores eorumdem poenis subiaceant præfatis. Insuper ordinatur, vt vltra poenas iuris, non abiurantes huiusmodi errores per annum carceribus mancipentur; nec relaxentur, donec de vera constet ipsorum & non simulata conuersione. Hortantur demum suffraganei, vt contra tales viriliter insurgant, & iura exequantur & obseruent, & a suis faciant subditis inuiolabiliter obseruari.

* comita-
tes, men-
dose; nisi
forte le-
gendum
fir com-
munita-
tes.

Concil. Tom. 29.

Yyy